

Kamp kozh prizonidi Henllan ha « La Casa di Dio » (Ti an Aotrou Doue).

N'emañ ket pell al lec'h-mañ diouzh Llandysul : 7 km. Hiziv e vez sellet outañ evel un arouez a vreudeuriez, a vignoniezh, a garantez hag a spi p'avez ar brezel o freuziñ broioù ha pobloù...

Krouet e oa bet e 1943 evit bac'hañ prizonidi-brezel a Vro Italia. Buan-tre e oa bet savet, evel ar 1000 kamp all bet savet e pep-lec'h et Rouantelezh-Unanet, 21 anezho e Bro Gembre. Gant mein e oa savet annezoù ar soudarded karget da ziwall ar brizonidi pa oa ar re-mañ annezet e-barzh barakennoù graet gant « plakoplastr ».

E penn kentañ tout e oa 1500 prizoniad, 1000 anezho o chom eno ar mizioù hag ar bloavezhioù-pad. Ne oa ket bac'het da vat ar brizonidi memestra : mont a raent er-maez diouzh ar c'hamp da labourat e atantoù an tro-war-war-droioù, ha distreiñ a raent d'ar c'hamp d'an abardaez. A-wechoù e choment da gousket e-lec'h ma labourent.

Ur vuhez sokial a oa er c'hamp : bez' e oa ur skipailh mell-droad, ur bagad sonerezh « jazz » ha « swing », keginet e veze gant ar brizonidi, ha kement zo...

Unan eus ar brizonidi –Mario Ferlito e anv, gwelet e vez anezhañ er film « La Casa di Dio »- a oa bet kastizet peogwir en doa nac'het sentiñ d'an urzhioù. Tremena reas ur sizhunvezh en toull-kell, dour skaer ha bara sec'h, ha netra ken ! A-benn abuziñ e amzer e krogas d'ober tresadennoù... Pa voe merzet pegen donezonet e oa e voe karget da ginklañ diabarzh iliz ar c'hamp a oa o vezañ kempennet.

Setu e chomas Mario Ferlito e-barzh ar c'hamp ha ne 'z eas ket ken da labourat e atantoù tro-war-dro. Goulenn a reas digant ar brizonidi all degas dafar d'ober liv. Un nebeud podoù liv a zeuas diouzh meilh-gloan Drefac'h Felindre nepell diouzh ar c'hamp. Met an darn vrasañ eus al livioù a oa bet fardet gant frouezh, legumaj, butun, te, kafe ha kucedoù livet... Goloiñ a reas ar mogerioù gant seier paper a-raok livañ anezho... Gant boestoù-mir eo bet graet an aoter. « Iliz ar Galon-Sakr » eo bet kensakret.

Ur bern familhoù a Vro Italia o deus graet o annez et c'horn-bro war-lec'h.